

*boenda*  
FERÐIR

## **COSTA DEL AZAHAR & VALENCIA**



**7. – 18. júní 2025**

**Fararstjórn: Aðalsteinn Jónsson**

Sumar 7

Spánn

## Ferðalýsing

Ævintýrleg ferð til Costa del Azahar á Spáni eða hinnar svokölluðu Appelsínustrandar. Þessi glæsilega ferð hefst í **Barcelona**, höfuðborg Katalóníu. Þar eigum við saman góða daga og skoðum þekktustu kennileiti borgarinnar áður en stefnan verður tekin á **Costa del Azahar** ströndina sem er pálmum prýdd. Castell Papa Luna kastalinn stendur tignarlega uppi á háum kletti í hinum söguríka bæ **Peñíscola** sem verður okkar aðaldvalarstaður. Á leiðinni þangað verður staldrað við í borginni Tarragona á Costa Dorada en rómversk saga er alltumlykjandi í þessari fallegu héraðshöfuðborg. Peniscola, þessi rómantíski miðaldabær sem er á lista yfir fallegustu bæi **Spánar**, er sögulegt verndarsvæði en stórbrotið landslagið hefur þjónað sem umgjörð í ótal kvikmyndum. Við hverfum aftur til miðalda í **Morella** en hún tilheyrir takmörkuðum fjölda borga um allan heim sem hafa varðveist nánast fullkomlega sem sögulegt útisafn. Við kynnumst einnig ólífurækt í heimsókn til stórbónda og upplifum heillandi heim svæðisins á siglingu um Ebro Delta að ósum hennar þar sem eyjarnar Buda og Sant Antoni liggja. Þarna eru víðáttumiklar sléttur og svæðið er þýðingarmesta vistkerfi vestanverðs Miðjarðarhafsins. Sögufræga borgin **Valencia** er dásamleg og tímalaus fegurð hennar heillar. Þjóðgarðurinn **Sierra de Espadán** tekur á móti okkur og farið verður í ævintýrlegri siglingu á ánni **San José** og um neðanjarðarhella hennar en hún er lengsta neðanjarðará í Evrópu. Einnig verður komið til **Vilafamés** sem talinn er með fallegustu smábæjum Spánar.

**12 dagar | 11 nætur**

3 nætur Barcelona | 8 nætur Peñíscola



### 7. júní | Flug til Barcelona

Brottför frá Keflavík kl. 08:25. Mæting í Leifsstöð u.þ.b. 2,5 klst. fyrir brottför. Lending í Barcelona kl. 14:40 að staðartíma. Haldið á hótél í Barcelona þar sem gist verður í þrjár nætur.

### 8. júní | Skoðunarferð um Barcelona

Barcelona, höfuðborg Katalóníu, er með fegurstu borgum álfunnar. Hún er þekkt fyrir byggingar arkitektsins Gaudí og glæsilegar byggingar skreyta borgina hvert sem litið er. Borgin er forn og saga hennar merkileg en fegurð hennar og gestrisni íbúanna gera dvölinna einstaka. Af merkjum byggingum má nefna kirkjuna La Sagrada Familia eftir Gaudí og húsin Casa Battló, Casa Milá og garðurinn Güell en þessi verk Gaudí eru öll komin á heimsminjaskrá UNESCO. Við förum í skoðunarferð um borgina og að La Sagrada Familia kirkjunni sem er eitt af meistaraverkum Gaudí. Gotneska hverfinu má ekki gleyma og kirkjunni við hafið sem er dásamleg og margir þekkja úr bók Ildefonso Falcones.



## 9. júní | Frjáls dagur í Barcelona

Í dag gefst tími til að skoða Barcelona betur á eigin vegum. Upplagt er að röltu um, kanna líf bæjarbúa og líta jafnvel inn á líflega kaupmenn borgarinnar.

## 10. júní | Tarragona & Peñíscola við Appelsínuströndina



Eftir morgunverð höldum við ferð okkar áfram suður eftir Miðjarðarhafsströnd Spánar. Stefnan verður tekin á Costa del Azahar eða Costa dels Tarongers eins og Katalóníubúar kalla hana, Appelsínuströndina. Nafngiftin kemur frá gnægð appelínulunda sem setja svip sinn á umhverfið. Á leiðinni verður stoppað í fallegu héraðshöfuðborginni Tarragona á Costa Dorada. Rómversk saga er hér alltumlykjandi en Rómverjar kölluðu borgina

Tarraco. Margar af vel varðveittum rómverskum byggingum eins og hringleikahúsið eru á heimsmínjaskrá UNESCO. Því næst verður ekið áfram til Peñíscola þar sem við gistum næstu átta nætur. Peñíscola er á lista yfir fallegustu bæi Spánar og er einnig sögulegt verndarsvæði. Hóтелиð okkar stendur við ströndina og þar er útisundlaug, pottur og sólbekkir. Þar er einnig líkamsrækt og heilsulind með sánu og tyrknesku baði.

## 11. júní | Skoðunarferð í Peñíscola, páfahöllin & frjáls tími

Við ströndina er ólýsanlega fagurt, þar er röð pálmatrjáa og rómantískur miðaldablær svífur yfir. Við sjáum fyrrum páfahöllina, Castell Papa Luna, og vita bæjarins sem stendur uppi á háum kletti í 67 metra hæð. Stórbrotið landslagið hefur þjónað sem umgjörð í kvikmyndum og sjónvarpsþáttum og má þar nefna *El Cid* með Sophiu Loren og Charlton Heston og *Game of Thrones*. Gamli bærinn er heillandi með litlum kalkhvítum húsum sem lokuð eru af með borgarmúrum og kastala frá miðöldum. Efti hádegi förum í töfrandi skoðunarferð um bæinn og kastalann og njótum náttúrufegurðar staðarins. Eftir það verður gefin tími til að skoða bæinn, njóta aðstöðunnar við hóтелиð eða taka sér sundsprett í Miðjarðarhafinu.



## 12. júní | Borgin Morella, heimsókn til ólífubónða & hádegishressing



Þessi frábæra dagsferð leiðir okkur aftur til miðalda um Maestrazgo svæðið með sínum ólífu- og möndlutrjám. Við heimsækjum Morella en þessi miðaldabær tilheyrir takmörkuðum fjölda borga um allan heim sem hafa varðveist nær fullkomlega sem sögulegt safn. Er hann eitt besta dæmi um uppbyggingu miðaldabæja, umkringdur miklum borgarmúr með turnum og hliðum en Morella er einnig á heimsmínjaskrá UNESCO. Eftir það verður ekið í skemmtilega

heimsókn til ólífubónða þar sem boðið verður upp á hádegissnarl, m.a. tortilla de papas,

skinku, ost og vín en einnig verður ólífuræktunin skoðuð. Héðan fara allir saddir og sælir heim á hótél eftir yndislegan dag.

### 13. júní | Sigling um Ebro Delta & Amposta

Í dag förum við töfrandi leið með Costa del Azahar ströndinni og að Ebro Delta sem er þýðingarmesta vistkerfi vestanverðs Miðjarðarhafsins. Við upplifum heillandi heim svæðisins á siglingu um Ebro Delta, að ósum hennar þar sem eyjarnar Buda og Sant Antoni liggja en þarna eru víðáttumiklar sléttur. Hér verður boðið upp á hádegishressingu í bænum Amposta og svo gefst frjálstími til að kíkja á mannlífið. Síðan verður ekið til baka um Ebro Delta svæðið þar sem við upplifum fuglaparadísina og sjáum breiður hrísgrjónaakra og e.t.v. hópa af flamingóum. Þetta er fögur leið og við munum einnig aka um fallega bæi á leiðinni til baka til Peñíscola.

### 14. júní | Sögufræga borgin Valencia



Þessum degi ætlum við að eyða í sögufrægu borginni Valencia en tímalaus fegurð hennar er einstaklega heillandi. Á göngu okkar um elsta hluta borgarinnar komumst við í tæri við meira en 2000 ára sögu hennar, þ.á m. gotnesku bygginguna La Lonja, fyrrum skiptimarkað með silki, sem nú er komin á heimsminjaskrá UNESCO. Rétt eins áhrifamikil er dómkirkjan sem byggð er á rústum mosku. Í meira en þúsund ár hefur fundur hins einstaka vatnadómstóls

(Tribunal de les Aigües de València) sem ráðstafar vatnsréttindum, verið haldinn vikulega við inngang dómkirkju Valencia, hjá stytunum af tólf lærisveinum Jesú, Los Aposteles. Við reikum um þröngar götur borgarinnar og töfrar hennar hrífa okkur með sér. Auðvitað verður gefinn frjálstími til að fá sér hressingu og upplifa borgina á eigin vegum. Endum daginn í lista-, menningar- og vísindahverfinu með sínum nútímabyggingum og skúlptúrum en hverfið er orðið eitt mesta aðdráttarafl borgarinnar og talið einn af 12 dýrmætustu fjársjóðum Spánar á sviði húsagerðarlistar, menningar, sögu, og lista.

### 15. júní | Sigling um bláa hellinn San José & bærin Vilafamés

Þjóðgarðurinn Sierra del Espadán tekur á móti okkur í dag og nú verður ekið til La Vall d'Uixó. Farið verður á bátum í gegnum ótrúlegt náttúrufyribæri, neðanjarðarhella sem lengsta neðanjarðarar í Evrópu, San José, rennur um.

Við líðum áfram á kristaltæru bláu ánni, sjáum leðurblökusalinn og sal djöflavatsins eins og hann er kallaður. Eftir það verður ekið til bæjarins Vilafamés sem talinn er með fallegustu smábæjum Spánar og hefur að geyma miðaldakastala sem varðveitir fornar leifar frá rómverskum, márískum og kristnum tíma. Einnig gefst tími til að röltu um á eigin vegum, fá sér hádegishressingu og njóta dagsins.



### 16. júní | Rólegheit & slökun í Peñíscola

Nú er komið að því að slaka á eftir annasama daga á þessum fagra stað. Hægt er að nýta sér aðstöðuna á hótelinu eða ganga með pálmaströndinni inn í Peñíscola, kanna þennan fallega bæ betur og líta inn á kaupmenn bæjarins. Og síðast en ekki síst er auðvitað nauðsynlegt að fá sér sundsprett í Miðjarðarhafinu seinnipart dags.



### 17. júní | Frjáls dagur & „hop on hop off“ með smálest

Góður dagur í rólegheitum og við njótum samverunnar á þessum fagra stað. Við flatmögum við sundlaugina og þeir sem vilja, geta tekið litla smálest, hop on hop off, um svæðið. Boðið er upp á fjórar leiðir, tvær um nágrennið, útsýnisferð og ferð um Peñíscola. Bátsferðir eru einnig í boði frá litlu bátahöfninni.



### 18. júní | Heimflug frá Barcelona

Nú er komið að því að kveðja þennan draumfagra stað og aka á flugvöll í Barcelona. Brottför þaðan kl. 15:45 og lent í Keflavík kl. 18:20 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.

### Verð

**399.900 kr. á mann í tvíbýli | 103.200 kr. aukagjald fyrir einbýli.**

### Innifalið

- ✓ Flug með Icelandair og flugvallarskattar.
- ✓ Gisting í 2ja manna herbergi með baði.
- ✓ Morgunverður á hótélum.
- ✓ Einn kvöldverður á hóteli í Barcelona.
- ✓ Kvöldverðir á hótelinu í Peñíscola.
- ✓ Allar skoðunarferðir með rútu samkvæmt ferðalýsingu.
- ✓ Sigling um Ebro Delta og hádegishressing í Amposta.
- ✓ Sigling um bláa hellinn San José.
- ✓ Heimsókn og snarl ásamt drykk hjá ólífubónða.
- ✓ Íslensk fararstjórn.



### Ekki innifalið

- ✓ Aðgangseyrir inn í söfn, hallir, kláfa og kirkjur.
- ✓ Hádegisverðir og tveir kvöldverðir í Barcelona.
- ✓ Þjóf fé.